

E D I C T O

Aprobado inicialmente polo Pleno do Concello o Regulamento para a concesión de axudas e subvencións do Concello de Tomiño faise saber que, de conformidade co disposto no artigo 49 da LBRL modificada pola Lei 11/99, ábrese un prazo de 30 días hábiles a contar desde o seguinte o da publicación deste edicto no Boletín Oficial de Pontevedra (BOP) para a presentación de reclamacións e suxestións, entendéndose aprobado definitivamente se no citado prazo non fose presentadas.

Tomiño, a 1 de marzo de 2004.—O Alcalde, José Luis Fernández Lorenzo. 1848

* * *

P O I O

A N U N C I O

Aprobándose inicialmente a Modificación do Regulamento de Uso das Instalacións Deportivas do Concello de Poio, por acordo do Pleno de 25/11/2003 e non presentándose reclamación ningunha contra a mesma, durante o prazo de publicación no BOP de 15/01/2004, queda aprobado definitivamente procedéndose a súa publicación:

REGULAMENTO DE USO DAS INSTALACIÓNS DEPORTIVAS DO CONCELLO DE POIO

**CAPÍTULO I.
DO USO DAS INSTALACIÓNS**

Artigo 1.

- a) As instalacións obxecto da presente normativa poderán ser utilizadas mediante reserva sistemática ou periódica, tendo en conta os seguintes criterios de preferencia:
1. Escolas deportivas municipais e clubs dependentes do Concello.
 2. Clubs e asociacións do Concello legalmente constituídos e participantes en competicións.
 3. Centros escolares do Concello.
 4. Clubs e asociacións do Concello legalmente constituídos.
 5. Clubs alleos ao Concello.

Enténdese que un club ou asociación é do Concello cando teña o seu enderezo social dentro do termo municipal e ao menos o 75% dos seus membros e o 51% dos seus participantes na modalidade deportiva sexan veciños de Poio.

- b) As solicitudes da reserva sistemática e periódica das distintas instalacións deportivas re-

alizaranse cun tempo mínimo de 20 días naturais con anterioridade ao comezo da competición.

As solicitudes das reservas sistemáticas deberán facerse mediante instancia na cal figurarán necesariamente os seguintes datos:

- * Nome e enderezo do representante do club ou asociación.
- * Horario solicitado.
- * Descrición da actividade deportiva a desenvolver.
- * Competición na que se participa.

Será competencia da Delegación de Deportes a resolución das solicitudes feitas para reserva sistemática. Calquera conflito ocasionado na concesión das reservas sistemáticas será resolto pola Comisión de Goberno, previo informe do Delegado de Deportes.

Artigo 2. Calquera club, asociación ou persoa física poderá facer uso das instalacións deportivas, sempre que se solicite, nas horas libres de reserva sistemática e periódica.

As reservas diarias das instalacións deportivas poderán realizarse telefonicamente ou persoalmente no Pavillón da Seca aboando as tarifas previstas con anterioridade á súa utilización.

Ningún solicitante (club, asociación ou persoa física) poderá ter en vigor máis dunha solicitude para uso simultáneo das instalacións deportivas.

CAPÍTULO II. HORARIOS

Artigo 3. Pavillón Municipal da Seca, Ximnasio e Pavillón de Lourido. O horario do Pavillón Municipal da Seca, do Ximnasio, e do Pavillón Municipal de Lourido será de luns a venres de 16 h. a 24 h. Excepcionalmente, poderase usar pola mañá no caso de que a actividade a desenvolver así o requira.

Os sábados e domingos poderán usarse, previa solicitude, pola mañá de 10 h. a 13 h. e pola tarde de 17 h. a 21 h.

Artigo 4. Campos de fútbol. O horario de utilización dos campos de fútbol será de luns a venres de 16 h. a 24 h.

Os sábados e domingos o horario será pola mañá de 10 h. a 14 h. e pola tarde de 16 h. a 21 h.

**CAPÍTULO III. NORMAS
PARA OS USUARIOS**

Artigo 5. O club, asociación ou persoa física que faga uso das instalacións deportivas, responsabilizarase da actitude e comportamento dos seus participantes, ao igual que dos danos ou desperfectos ocasionados pola mala utilización das mesmas.

Os usuarios manterán as instalacións limpas, facendo uso das papeleiras, respectando e coidando

todo o material deportivo e mobiliario das instalacións.

O Concello non se responsabiliza dos accidentes que poidan ocasionarse durante a práctica deportiva así como de aqueles derivados da utilización das instalacións.

Artigo 6. E obrigado o uso do calzado e instrumental deportiva axeitada para poder acceder aos terreos de xogo.

No caso do Pavillón Municipal da Seca, queda prohibido xogar con calzado de sola negra.

Os usuarios respectarán os horarios tanto de entrada coma de saída dos terreos de xogo, atendendo ás indicacións dos empregados. Calquera exceso de tempo computarase coma unha hora de uso.

Cando calquera usuario se percate dunha anomalía ou desperfecto no material, ten que notificalo aos encargados das instalacións.

Artigo 7. Os corredores das instalacións deportivas non poderán usarse para precalentamento.

O responsable do club ou asociación deberá solicitar ao encargado da instalación, cunha antelación duns 15 minutos, as chaves dos vestiarios, devolvéndoo 15 minutos despois de rematado o tempo de uso da instalación. En caso de perda, aboarase mediante o pago dunha nova fechadura.

Os vestiarios, en atención ao volume de ocupación, poderán utilizarse por outros usuarios ao mesmo tempo, e neles deberán manterse as normas elementais de hixiene e decoro non podendo fumar, comer ou tomar bebidas alcohólicas.

Os equipos que adestren no campo da Seca deberán utilizar os vestiarios do campo da Reiboa agás que estes estivesen ocupados ou convenio de colaboración.

Artigo 8. Os usuarios que fagan uso das instalacións teñen que aboar as tarifas correspondentes segundo o establecido. A falta de pagamento cancelará as reservas de horarios que previamente se concederon.

O Delegado de Deportes, sempre que exista motivo xustificando, forza maior ou actividade programada polo Concello, resérvase o dereito de cancelar ou variar as horas concedidas previamente, avisando cunha antelación de 72 h.

O usuario, ante calquera circunstancia que lle impida o uso das instalacións nas horas solicitadas, avisará cunha antelación dunha semana.

A falla inxustificada de dous días ao mes, motivará a cancelación das actividades reservadas.

Artigo 9. Durante o transcurso dunha competición así como antes ou despois da mesma, o club ou asociación usuaria da instalación, é responsable dos posibles deterioros que tanto xogadores coma seguidores ocasionen na mesma.

Artigo 10. Poderase esixir un depósito ou fianza para responder dos posibles danos ou desperfectos, a cal se devolverá unha vez comprobado que estes non se produciron.

CAPÍTULO IV. OUTRAS ACTIVIDADES

Artigo 11. As instalacións obxecto do presente regulamento poderán ser utilizadas para a realización doutras actividades distintas das deportivas como poden ser espectáculos, musicais, culturais, etc.

Os gastos de persoal de servizo descontinuo (taquilleros, acomodadores, vixiantes, electricistas, etc...) sumaranse ás tarifas reguladas. Igualmente, estas tarifas incrementarase en tódolos gastos extraordinarios ocasionados pola actuación.

Artigo 12. Recoñécese a posibilidade da instalación de soportes publicitarios nas súas distintas modalidades previa autorización polo Delegado de Deportes.

Este Regulamento entrará en vigor a partir da súa publicación no Boletín Oficial da Provincia, unha vez transcorrido o prazo de 15 días, presentes no artigo 65.2 da Lei 7/85, do 2 de abril, Reguladora das Bases de Réxime Local.

O que se fai público para xeral coñecemento, facéndose constar que contra este Regulamento pode interpoñerse directamente Recursos Contencioso-Administrativo ante o Tribunal Superior de Xustiza de Galicia, no prazo de dous meses a contar dende a publicación, de conformidade co disposto no artigo 10.1b) e 46.1 da Lei 29/98, de 13 de xullo, Reguladora da Xurisdicción Contencioso Administrativo.

Poio a 24 de febreiro de 2004.—O Alcalde, Luciano Sobral Fernández. 1946



Juzgados de lo Social

De Vigo

E D I C T O

Doña Marta Lagos Suárez-Llanos, Secretaria Judicial del Juzgado de lo Social número cuatro de Vigo.

Hago saber.—Que en el procedimiento seguido ante este Juzgado de lo Social con el número 740/03, a instancias de Antonio Lago Figueroa, contra Seintel S.L., Ctiware S.L. y otros, sobre cantidades, se ha dictado auto art. 83, cuya parte dispositiva es como sigue:

Acuerdo.—Tener por desistida a la parte actora, de la demanda presentada el día 20/12/03, sobre r.